

Na osnovu člana 108. Zakona o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj: 27/24), člana 148. Pravila Druge gimnazije Sarajevo, a u vezi sa članom 9. Pravilnika o vrstama vlastitih javnih prihoda u Federaciji Bosne i Hercegovine (Sl. novine Federacije BiH" br.104/90) i Smjernica Ministarstva za odgoj i obrazovanje Kantona Sarajevo u vezi donošenja akta o vlastitim javnim prihodima broj: 11-07/01-11-1134-1/23 od 24.04.2023 i broj: 11-07/01-11-1134-2/23 od 11.05.2023.godine, Školski odbor Javne ustanove Druga gimnazija Sarajevo na svojoj 50. sjednici održanoj 24.03.2025. godine, utvrđuje:

PRAVILNIK

O KRITERIJIMA ZA STICANJE I RASPODJELU VLASTITIH JAVNIH PRIHODA JU DRUGA GIMNAZIJA SARAJEVO

I OPĆE ODREDBE

Član 1.

(Predmet)

Ovim Pravilnikom se utvrđuju vlastiti javni prihodi: pravni osnov, pojam, način uplate i evidentiranje vlastitih javnih prihoda, vrste, način i rokovi raspodjele vlastitih javnih prihoda i kontrola utroška vlastitih javnih prihoda JU Druga gimnazija Sarajevo.

Član 2.

(Pripadnost prihoda)

Vlastiti prihodi koje Škola ostvari su javni prihodi Budžeta Kantona Sarajevo (u daljem tekstu: Budžet) a raspoređuju se u skladu sa Smjericama Ministarstva za odgoj i obrazovanje Kantona Sarajevo u vezi donošenja akta o vlastitim javnim prihodima broj: 11-07/01-11-1134-1/23 od 24.04.2023 i br.11-07/01-11-1134-2/23 od 11.05.2023.godine (daljem tekstu: Smjernice).

Član 3.

(Pojam vlastitih javnih prihoda)

Pod vlastitim javnim prihodima JU Druga gimnazija Sarajevo podrazumijevaju se prihodi koje ostvari Škola obavljanjem osnovne djelatnosti i ostalih poslova na tržištu.

Član 4.

(Pravni osnov)

Pravni osnov za ostvarivanje vlastitih javnih prihoda budžetskih korisnika je Zakon o odgoju i obrazovanju u osnovnoj i srednjoj školi u Kantonu Sarajevo.

Član 5.

(Način uplate i evidentiranje vlastitih javnih prihoda)

- 1) Vlastiti javni prihodi uplaćuju se na depozitni račun javnih prihoda u skladu sa propisom kojim se uređuje način uplate javnih prihoda budžeta i vanbudžetskih fondova na teritoriji Federacije BiH.
- (2) Škola je odgovorna za blagovremenu naplatu potraživanja po osnovu vlastitih javnih prihoda, kao i poduzimanje svih mjera za njihovu realizaciju.
- (3) Naplaćena sredstva na ime vlastitih javnih prihoda koja su ostvarena gotovinskim plaćanjem i za koje ne postoji mogućnost bezgotovinskog plaćanja evidentiraju se i plaćaju na depozitni račun najkasnije sljedeći radni dan po prijemu uplate.
- (4) Zabranjeno je evidentiranje i plaćanje vlastitih javnih prihoda na bilo koji način koji je u suprotnosti sa odredbama Pravilnika o vrstama vlastitih javnih prihoda u Federaciji Bosne i Hercegovine („Službene novine BiH“ broj: 104/22).

Depozitni račun: 1411965320008475

Budžetska organizacija: 2103002

Vrsta prihoda: 722656 - Prihodi od sopstvenih djelatnosti koji se ostvaruju po osnovu uplata za realizaciju posebnih programa (IB program), upisnina za školsku godinu,

Vrsta prihoda: 722642- Prihodi od sopstvenih djelatnosti koji se ostvaruju po osnovu uplata od iznajmljivanja prostora

Vrsta prihoda: 722659 – Prihodi od ostalih aktivnosti.

II VRSTE VLASTITIH PRIHODA I CIJENE USLUGA

Član 6.

(Vrste vlastitih javnih prihoda)

JU Druga gimnazija Sarajevo stiče vlastite javne prihode po osnovu:

- a) vrsta prihoda 722656 – vlastiti javni prihodi od pružanja usluga školarina (uplata za realizaciju posebnih programa: Međunarodni programi: IB MYP i IB DP);
- b) vrsta prihoda 722642 – vlastiti prihodi od iznajmljivanja poslovnih prostora (iznajmljivanje prostora, unutarnjeg i vanjskog),
- c) vrsta prihoda 722656 – vlastiti javni prihodi od pružanja usluga promocije (reklamno-propagandna usluga),
- d) vrsta prihoda 722659 vlastiti javni prihodi od ostalih aktivnosti (prodaja otpadnog materijala),
- e) vrsta prihoda 722642 – vlastiti prihodi od iznajmljivanja poslovnih prostora (izdavanje prostora sa postojećom opremom).

Član 7.

(Cijene usluga-visine uplata)

1) Visina naknade za realizaciju posebnih i specijalnih programa iz člana 6. tačka a) Pravilnika utvrđuje su u sljedećim iznosima u skladu sa Pravilnikom o plaćanju školarine učenika koji pohađaju IB MIDDLE YEARS PROGRAM i IB DIPLOMA PROGRAM u JU Druga gimnazija Sarajevo:

- Školarina za IB MYP (jedan razred ovog programa) 1.800,00 KM
- Školarina za učenike strane državljanke koji pohađaju IBMYP..... 7.200,00 KM
- Školarina za IB DP (jedan razred ovog programa) 3.000,00 KM
- Školarina za učenike strane državljanke koji pohađaju IBDP 12.000,00 KM

2) Visinu uplate po osnovu člana 6. tačke b) ovog Pravilnika utvrđuje Školski odbor.

3) Visina uplate po osnovu člana 6., tačke c) ovog Pravilnika utvrđuje Školski odbor.

4) Visina uplate po osnovu člana 6., tačke d) ovog Pravilnika utvrđuje Školski odbor.

5) Visina uplate po osnovu člana 6., tačke e) ovog Pravilnika utvrđuje Školski odbor.

III NAČIN I ROKOVI RASPODJELE

Član 8.

(Način i rokovi raspodjele vlastitih javnih prihoda)

a) Vlastiti javni prihodi ostvareni shodno odredbama ovog Pravilnika pripadaju Školi i Škola će ih koristiti za pokriće izdataka nastalih obavljanjem tih poslova, a ostatak za tekuće i kapitalne izdatke.

b) Škola je dužna, na osnovu planiranih vlastitih javnih prihoda, planirati i rashode koje će pokriti iz prihoda ostvarenih po osnovi ovog Pravilnika.

c) Vlastiti javni prihodi mogu se koristiti samo u toku fiskalne godine, a neutrošeni dio vlastitih prihoda postaje javni prihod Budžeta.

Član 9.

(Način raspodjele)

1) Prihodi iz člana 6., tačka a) ovog Pravilnika raspoređuju se za pokriće troškova realizacije posebnih i specijalnih programa na način:

a) 20% za troškove organizacije (prevoza i smještaja) stručnog usavršavanja i studijska putovanja učenika

b) 40% za materijalne troškove, tekuće održavanje i nabavku opreme;

c) 40% za stručno usavršavanje - kotizacije, godišnja licenca za IB programe, registracija ispita učenika IB DP programa, ugovori o privremenim i povremenim poslovima za spoljne saradnike i radnike za poslove koji nisu definisani u okviru 40-časovne radne sedmice, sportske i kulturne

aktivnosti, takmičenja, nagrade/stipendije učenicima, za rad u Centru izvrsnosti (realizacija rada Klubova) i ostale namjene.

2) Prihodi iz člana 6., tačke b), c) i e) ovog Pravilnika raspoređuju se na način:

- a) 70% za materijalne troškove, tekuće održavanje i nabavku opreme
- b) 30% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

3) Prihodi iz člana 6., tačka d) ovog Pravilnika raspoređuju se na sljedeći način:

- a) 20% za materijalne troškove, tekuće održavanje i nabavku opreme;
- b) 80% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.

4) Svi procentualno označeni iznosi za isplatu izvršiocima navedeni u prethodnim stavovima predstavljaju bruto iznos koji će se isplatiti (neto naknada sa pripadajućim porezima i doprinosima).

IV PRAĆENJE NAPLATE, RASPOREĐIVANJE I KONTROLA UTROŠKA VLASTITIH JAVNIH PRIHODA

Član 10.

(Praćenje naplate i raspoređivanje vlastitih javnih prihoda)

- (1) Škola je dužna da redovno prati, putem izvještaja koje dobiju od Ministarstva finansija, dospelost i naplatu vlastitih javnih prihoda;
- (2) Škola je odgovorna za potpuno i pravovremeno upućivanje vlastitih prihoda na depozitni račun;
- (3) Škola je dužna da ostvarene i naplaćene vlastite javne prihode rasporedi na rashode u finansijskim mjesečnim planovima izvršavanja Budžeta.

Član 11.

(Izvještaj o prihodima i rashodima vlastitih sredstava)

- (1) Škola je obavezna, najmanje jedanput u šest mjeseci dostaviti izvještaj Ministarstvu za odgoj i obrazovanje Kantona Sarajevo o sticanju i utrošku vlastitih javnih prihoda.

V PRELAZNE I ZAVRŠNE ODREDBE

Član 12.

(Stavljanje propisa van snage)

(1) Stupanjem na snagu ovog Pravilnika stavlja se van snage Pravilnik o kriterijima za sticanje i raspodjelu vlastitih javnih prihoda JU Druga gimnazija Sarajevo (broj: 1290/23 od 14.12.2023. godine).

Član 13.

(Saglasnost na ovaj Pravilnik)

(1) Na ovaj Pravilnik daje saglasnost Vlada Kantona Sarajevo.

Član 14.

(Stupanje na snagu)

(1) Ovaj Pravilnik stupa na snagu i primjenjivat će se od dana dobivanja saglasnosti Vlade Kantona Sarajevo i objavit će se na oglasnoj ploči i web stranici škole.

Predsjednik Školskog odobra

Taiba Purišević

Broj: 01-539-1/25

Sarajevo, 24.03.2025. godine